

Guztiak Estatutua gainditzeko prest

Alderdi abertzaleek oso ordezkaritza nabarmena bidali dute Gernikara

Alderdi abertzaleek ordezkaritza aipagarria bidali zuten atzo Gernikara, ELAren deialdiari kaso eginenez. Guztiek bat egin zuten estatutua gainditu beharra azpimarratzeko orduan, asmo hori batzuek besteek baino indar gehiagorekin azaldu zuten arren.

Iñigo Olabarri / Gernika

Floren Aoiiz: «Ekitaldi hau ezin da itzetan geratu» • «Hemen heriotza agiri bat agertu da» esan eta gero, atzo ELAK deitutako ekitaldiaren balorazioa egin zuen Floren Aoiizek. «Guk ateratzen dugun ondorioa da beste marko juridiko politiko bat behar dela. Eta marko berri horren funtsa herriari hitza ematean datzala. Hori da bidea. Gehiengo berri bat osatu behar da euskal gizartearen konponbide demokratikoaren alde. Gernikako deialdia eta irekitako bidea ez da hitzetan geratu behar eta, ahal den heinean, neurriak zehaztu egin behar dira». Hitzetatik ekintzetara igarotzeko prest dago HB Aoiizek esan zuenez.

Borroka armatuaren aurka Jose Elorrietak egin zituen hitzen gainean zera azaldu zuen Mahai Nazionalako kideak: «Gaur aitzakia handi bat erori da. Bereiztasuna ez da demokraten eta biolentoen artekoa. Hori erabat faltsua da. ETAren jarrera ez da bereizketaren funtsa. Kontua beste bat da. Kontua da Euskal Herriari hitza ematearen alde ala kontra egotea. Euskal Herriak hitza izan behar duela pentsatzen dugun guztiok indarrak bildu behar ditugu ideia hori eta proposamen hori gauzatzeko. Herriari hitza ematen ez zaiolako gaude gatazkan, eta bakearen eta konponbidearen giltza hori da».

Rafa Diez: «ELAren ekitaldia EAJ eta Ardanzen porrotaren ispilua da» • Rafa Diezek esan zuenez, «ELAren ekitaldia EAJ eta Ardanzen porrotaren ispilua da. Hemen ikusten da azken urteetan jorratu duten ildoak espainismoa ezartzeko ildoak izan dela, hori indarberritzekoa. Hemen apurtu egiten da hori, eta horregatik haserretu da hainbeste Ardanza ekitaldi hau dela eta». «Beste eszenatoki politiko batera joateko aurreneko urratsak egiten hasi gara. Beraz, oso garrantzitsua da Estatutuaren aldeko jarrera zuen alde batek horrelako hausnarketa egitea eta marko berri baten aldeko apustua egitea. Hori da aldaketa garrantzitsuen».

Ricardo Ansotegi: «Estatutua gainditzeko Madrilén borondatea izatea behar da» • «EAJn ELAren bat gatzotz Estatutua ez dela bete salatzean, batez ere alor



Jon Idigoras eta Jose Elorrieta elkar agurtzen ekitaldiaren hasieran, Gernikako plazan.

XOUSE SIMAL



Ansotegi, Urbiola eta Allende EBBko kideak eta Elorrieta.

XOUSE SIMAL



ELAko idazkari nagusia eta Oliveri elkar agurtzen, eta atzean Larreina.

XOUSE SIMAL

sozialaboralean. Horrekin bat gatzotz ELAren. Ez gatzotz bat, ordea, azken aldian egin diren Estatutuaren aurkako gaitzespenekin», jakinarazi zuen Ricardo Ansotegik. Haren ustez, Estatutua baliozko bidea da oraindik

ere; hala ere, kexu agertu zen Madrildik hori garatzeko dauden zailtasunengatik. Estatutua gainditzeko aukerari buruz, horretarako Madrilén borondatea behar dela adierazi zuen, «baina gaur egun ez dago horrela-

korik». Gehiengo sozial, sindikal eta politikoa lortu beharra dagoela esan zuen, «denok gainditu nahi dugun sistema juridiko hori gainditzeko».

Inaxio Oliveri: «Hemen dauden batzuek beren bitartekoak aldatu behar dituzte» • Inaxio Oliverik, EAren izenean, zera azpimarratu zuen: «Hemen gaudenok beste autogobernu maila bat eskatzen ari gara, eta muga gisa jarriz gure herriaren gehiengoak izan behar duela autogobernua finkatu behar duena. Eta beste guztiek gehiengo hori onartu behar dute». Madrilék Estatutuarekin duen jarrera salatu zuen, eta bestelako gehiengo bat sortu beharra azpimarratu. «Baina horretarako, hemen dauden batzuek estrategia eta bitartekoak aldatu behar dituzte, gehiengoaren borondatea ez oztopatze».

Juan Antonio Madariaga: «ELAk presoen eskubideak defendatzeko benetako apustua egin du» • Senideak elkarteko ordezkariak ere gustura agertu ziren atzoko ekitaldiarekin. «Oso positibotzat jotzen dugu bide berriak jorratearen alde egiten den apustua. Beste alde batetik, oso gustura gaude ELAk benetako apustua egin duelako presoen eskubideak defendatzeko», esan zuen Juan Antonio Madariagak.

Jonan Fernandez: «Hemen ate bat ireki da eta orain garatu egin behar da» • Jonan Fernandezek, Elkarri-ko bozeramaileak, garrantzitsutzat eta oso interesgarritzat jo zuen ELAren deialdia. «Orain arteko geldialdiaren aurrean hemen irekitzen da ate bat, eta orain garatu egin behar da eta ikusi nola bideratzen den». X

«Monarkia ate faltsutik sartzen zaigu»

Jose Elorrietak hitz gogorrez gaitzetsi zuen Espainiako Erregearen bisita Guggenheim museoaren inaugurazioan. ELAko idazkari nagusiaren usteetan, bisita hori «beste urrats bat da Estatuaren ikur eta instituzioekiko menpekotasuna normalizatzen joateko estrategian». Ildo horretan, «Espainiako monarkia atzeko atetik» sartzen ari dela berretsi zuen Elorrietak. Museoa euskal herritarrek ordaindu dutenez gero, zabalpen ekitaldia EAEko lehendakariaren esku egon beharko zukeela azpimarratu zuen. «Guk ez dugu behar egoera politiko honetan monarkia espainiarraren etortzerik euskal herritarren museo bat zabaltzeko. Horregatik gaude gaur Gernikan, gure ikur bakarra ikurrina delako, guk ez dugu Estatuaren ikurrei men egin beharrik», adierazi zuen bildutakoen txalo zaparradaren artean. Aldi berean, Juan Carlos I.a, «herri honekiko konprometzuak bete ez eta gure herriaren eskubideak aitortzen ez dituen estatu baten ordezkaritza instituzional goren», hartzeko momentu egokiena ez dela gainerratu zuen Elorrietak.

Minutu bateko isilunea hildakoen omenez

ELAren ekitaldia hasteko, Patxi Agirrezabalak minutu bateko isilunea eskatu zuen Jose Maria Agirreren senideei elkartasuna adierazi eta ertzainari «bakez joan dadin» desiatzeko. Agirrek ez zuela hil behar adierazi ondoren, ELAko zenbait kide oroitu zituen tarte berean sartuz Gomez Elosegi espetxe funtzionarioa, Montxo Doral eta Joseba Goikoetxea ertzainak eta Mikel Zabalza, Guardia Zibilak atxilotu ondoren Bidasoan hilik agertu zen autobus gidaria. «Heriotza bakoitzak gizarte hau zauritu eta zatitzen» lagundu duela esan zuen Zerbitzu Publikoetako ordezkariak.

«Gernikako Arbola» eta «Eusko Gudariak»

ELAk eszenografia landua plazaratu zuen Gernikan. Hasieran Iparragirreraren Gernikako Arbola kantatuz hasita, Xabier Euzkitzeren txanda heldu zen. Azpetiko bertsolaria ez zen atzo hitzetik hortzera ibili, Txirritaren bertso zaharrak kantatuz baizik. Hitzaldien ostean, berriz, Eusko Gudariak kantatuz amaitu zen ekitaldia.